



KONFIRMANT

2025-2026



FØRDE, HOLSEN, HAUKEDALEN
KYRKJE





Velkomen til konfirmasjon!

I konfirmanttida er det rom for å utforske mange viktige sider av livet saman med andre. Som konfirmant får du lære meir om deg sjølv, om tru, om Gud og om den verda du er ein del av.

KVA ER KONFIRMASJON?

Ordet konfirmasjon kan tyde både «å stadfeste» og «å gjere sterk». Konfirmasjonen er ei påminning om at Gud i dåpen sa ja til å vere ein del av livet ditt. I bønna i konfirmasjonen ber vi Gud om å velsigne deg og styrke deg på vegen din vidare i livet.

Det viktigaste med konfirmanttida er å vere ein del av eit fellesskap og bli betre kjent med den kristne trua.

EI KONFIRMANTTID FOR ALLE

Alle har rett til ei god konfirmanttid uansett funksjonsevne. Om det trengst individuell tilrettelegging, ta det opp på konfirmantsamtalen, evt. ta kontakt med den konfirmantansvarlege, (sjå kontaktinfo på baksida) slik at vi kan finne dei gode løysingane for dykk.

EG ER IKKJE DØYPT – KAN EG KONFIRMERAST?

Du er velkomen til å delta i konfirmantopplegget sjølv om du ikkje er døypt. Dåpen er ein føresetnad for å delta i den avsluttande konfirmasjonsgudstenesta. Kvart år er det fleire konfirmantar som blir døypte.

Avtale

Vi i kyrkja ønskjer at konfirmanttida skal vere ei god og lærerik tid for alle konfirmantane, fylt med fine opplevingar, erfaringar og kunnskap til å ta med seg vidare i livet. For at tida skal bli best mogleg, avtalar vi på førehand kva vi kan forvente av kvarandre.



Av konfirmantleiarane i kyrkjelyden kan de vente at:

- vi bryr oss om konfirmantane.
- vi gjer vårt beste for at konfirmanttida skal vere lærerik og minneverdig.
- vi, saman med konfirmantane, lagar god undervisning og flotte aktivitetar.
- vi sender ut informasjon i god tid.
- vi svarar på e-post, telefon og sms.

Av konfirmanten venter vi at:

- du deltek på alle samlingar og aktivitetar, inkl. minst 8 gudstenester i løpet av konfirmanttida.
- du møter presis til timane og tek med konfirmantboka (som du får av oss)
- foreldra melder frå når du er forhindra frå å kome.

Av dei føresette ventar vi at:

- de hjelper til med to foreldreoppgåver.
- de møter på foreldremøta.
- de sender skriftleg melding til konfirmantlæraren på førehand dersom konfirmanten er nøydd til å vere borte frå ein del av opplegget.
- de følgjer opp og støttar konfirmanten.

Gudstenestene som inngår i konfirmantopplegget, er opne for alle, og de er hjarteleg velkomne.

Konfirmantopplegget

Datoane for heile konfirmantåret vil de få i august. Vi har nokre samlingar på Førde kyrkjetun på ettermiddagar i løpet av året.

Under her ser de ei oversikt over dei samlingane som kjem i tillegg til ettermiddagssamlingane.

TUR TIL NESHOLMEN 20.-21. SEPTEMBER

Vi reiser til Nesholmen leirstad i Hyen. Vi deler konfirmantkullet i to, og har ein heil dag saman med kvar gruppe. Det vert aktivitetar inne og ute.

KONFIRMANTFESTIVAL PÅ SANDE 25. OKTOBER

Festivalen er eit dagsopplegg med formidling, sceneshow og aktivitetar ute og inne. Alle konfirmantane i Sunnfjordregionen vert invitert.

KLUBBKVELD

Alle konfirmantane skal i løpet av året vere med på ein klubbkveld

på kyrkjetunet. Det vert spel, leik og formidling med meir.

FASTEAKSJONENSHELG 21.-22.MARS

Kvart år samlar konfirmantane i Førde, Holsen og Haukedalen inn pengar til Kirkens Nødhjelp sin fasteaksjon. Vi samlast laurdagen til ein dag med mykje aktivitet og moro. Vi vert kjende med Kirkens Nødhjelp og fasteaksjonen.

22.mars møtast vi først til gudsteneste, og deretter samlar konfirmantane inn pengar ved å gå med bøsser rundt omkring i nærområdet.



Gudsteneste

Som konfirmantane skal du vere på minst 8 gudstenester (inkludert dei obligatoriske gudstenestene) i løpet av konfirmasjonstida. Du kan gå på gudstenester i Den norske kyrkja kvar som helst i landet.

PRESENTASJONS- GUDSTENESTER

Konfirmantane vert presenterte for kyrkjelyden sin på ei gudsteneste.

Denne gudstenesta er obligatorisk for alle!

Haukedalen kyrkje:

17. august kl. 19:00

Førde kyrkje: 31. august

Fusk: kl. 11:00, Halbrend: kl. 13:00

Holsen kyrkje:

7. september kl. 15:00

LYSMESSE DESEMBER

Dette er ei stemningsfull gudsteneste der konfirmantane deltek i gudstenesta.

Denne gudstenesta er obligatorisk for alle.

Haukedalen kyrkje:

7. desember kl. 16:00

Holsen kyrkje:

7. desember kl. 19:00

Førde kyrkje:

10. desember eller 11. desember

FASTEAKSJONS-GUDSTENESTE 22.MARS

Denne gudstenesta er obligatorisk for alle Førdekonfirmantane.



Tenesteoppgåve

Ein viktig del av konfirmantåret, er at konfirmantane sjølv erfarer at dei er ein del av kyrkjelyden. Her kan konfirmantane velje kva dei ynskjer å vere med på. På trusopplæring/diakoni vil det vere avgrensa plass.

GUDSTENESTE

Gjennom å delta i ei gudsteneste vil konfirmantane sjølv erfare at dei er ein del av kyrkjelyden. Når konfirmanten har oppgåve i gudstenesta, har foreldra med ei platekake, og hjelper til på kyrkjekaffien før og etter gudstenesta.



TRUSOPPLÆRING ELLER DIAKONI

Her kan konfirmanten bli kjent med kyrkjelyden gjennom å vere med på ein trusopplæringsaktivitet for born 0-12, eller vere med på eit diakonalt tiltak.

Økonomi

Konfirmantåret kostar **1500,-**

Dette er inkludert i avgifta: Dagstur til Nesholmen inkl. reise, konfirmantfestivalen inkl. reise, mat på nokre av samlingane, materiell, leige av konfirmantkappe, og solistar på konfirmasjonsdagen.

Om nokon treng økonomisk støtte, bed vi deg ta det opp på samtalen i juni, eller ta kontakt med den ansvarlege for konfirmantåret.

Vi har av og til konfirmantar frå andre kyrkjesamfunn som deltek i deler av, eller heile, konfirmantåret. De er hjarteleg velkomne til å vere med. Ta kontakt for praktiske og økonomiske avklaringar.

Foreldre/føresette

For å gjennomføre konfirmantåret er vi avhengige av foreldre/føresette. De får difor to oppgaver som vi treng dykkar hjelp til. Set opp tre ynskje i prioritert rekkefølge i påmeldingsskjema. (Du får berre to oppgaver å utføre.)

I tillegg til desse, kjem vi til å spørje nokon av dykk om å bake ca 30 bollar til Nesholmenturen eller fasteaksjonen. Og dersom konfirmanten har oppgave i gudsteneste, vil vi be foreldra om å hjelpe til på kyrkjekaffien.

Om nokon har særskilde behov når det gjeld foreldreoppgåvene, må de skrive det inn i kommentarfeltet i påmeldinga.

1: VERE MED PÅ TUR TIL NESHOLMEN I SEPTEMBER

Vi treng foreldre som kan vere med til Nesholmen og hjelpe til med ulike praktiske oppgaver der.

2: VAKT PÅ KONFIRMANTFESTIVALEN 25. OKTOBER

Vi treng foreldre som kan vere vakt på konfirmantfestivalen i Gaularhallen i oktober. Her vil det vere behov for foreldre til praktiske oppgaver.

3: HJELP PÅ FASTEAKSJONSLAUDRAGEN

Vi treng foreldre som kan hjelpe til å lage mat, og vere praktiske hjelparar 21.mars

4: KØYRING TIL FASTEAKSJONEN 22. MARS

Vi treng mange sjåførar denne dagen som kan køyre konfirmantane til dei ulike stadene dei skal samle inn pengar.

5: PRAKTISK HJELP PÅ KONFIRMASJONSDAGEN

Vi treng foreldre som kan vere med og hjelpe til med konfirmantkappene og gåveposane på Førde Kyrkjetun ein av konfirmasjonsdagane ein sjølv ikkje har konfirmant.

Påmelding til konfirmantåret

PÅMELDING

Gå inn på minkirkeside.no/Sunnfjord

Hugs og velje riktig sokn: Førde eller Holsen/Haukedalen

Svar på alle spørsmåla.

Etter påmeldinga vil du få ein e-post som stadfestar påmeldinga.

Har du vanskar med påmeldinga ta kontakt med kyrkjekontoret.

KONFIRMANTSAMTALE PÅ FØRDE KYRKJETUN

Etter at du har meldt deg på konfirmantåret, må du kome på konfirmantsamtale i juni saman med ein eller begge føresette. *Om dag/tid ikkje passar, kan du byte til ein av dei andre klassane.*

04. juni kl. 16:30 - 8A Fusk,	kl. 17:30 - 8B Fusk,	kl. 18:30 - 8C Fusk
05. juni kl. 16:30 - 8D Fusk,	kl. 17:30 - 8A Husk	
10. juni kl. 16:30 - 8B Husk,	kl. 17:30 - 8C Husk	kl. 18:30 - 8D Husk

KONFIRMASJONAR 2026

26. april kl. 10:00 9A Fusk	03. mai kl. 10:00 9C Fusk
26. april kl. 12:00 9B Fusk	03. mai kl. 12:00 9D Fusk
09. mai kl. 10:00 9A Husk	14. mai kl. 10:00 9C Husk
09. mai kl. 12:00 9B Husk	14. mai kl. 12:00 9D Husk
10. mai kl. 11:00 Holsen	24. mai kl. 11:00 Haukedalen

Kontakt oss:

Heimeside: kyrkja.no/forde

E-post: post.forde@sunnfjordkyrkja.no
eller heidi.styve@sunnfjordkyrkja.no

Tlf.: 57 82 81 80

Konfirmantansvarleg: Heidi Voltersvik Styve